



大唐六典太子三師三少詹事府左右春坊內
官卷第二十六

御撰

集賢院學士兵部尚書兼中書令修國史

上柱國開國公臣李林甫等奉 敕注上

太子三師

太子太師一人

太子太傅一人

太子太保一人

太子三少

太子少師一人

太子少傅一人

太子少保一人

太子賓客四人

太子詹事府

詹事一人

少詹事一人

丞二人

主簿一人

錄事二人

令史九人

書令史十八人

太子司直二人

令史一人

書令史二人

太亭長四人

掌固六人

太子左春坊

左庶子二人

中允一人

一作二當

司議郎四人

錄事二人

主事二人

令史七人

書令史十四人

太子左諭德一人

左贊善大夫五人

典傳令四人

掌儀二人

贊者四人

亭長四人

掌固十三人

崇文館四人

大學士無員數五人

太學生二十人

校書三十四人

令史二人

典書二人

典搨書手二人

書手十人唐志作楷書手

熟紙匠三人

裝潢匠五人

筆匠三人

司經局

洗馬一人一作二當

文學三人

書令史二人

書吏四人

校書四人

正字二人

典書四人

楷書二十五人 書下脫

掌固六人

典膳局

典膳郎丞各二人

書令史二人

書吏四人

主食六人

典食二百人

掌固四人

藥藏局

藥藏郎丞各二人

書令史一人

書吏二人

侍醫四人

典藥九人

掌固六人

藥僮十八人

曰新唐志
僮作童

內直局

內直郎丞各一人

一作二當

書令史二人

書吏四人

典服三十人

典扇典翰各十五人

掌固六人

典設局

典設郎四人

書令史二人

書吏四人

幕士六百人

掌固十二人

宮門局

宮門郎丞各二人

書令史二人

書吏四人

門僕一百三十三人

舊唐志作一百三十人

太掌固四人

太子右春坊

右庶子一人

一作二當

中舍人二人

太錄事一人

主事二人

令史九人

太書令史十八人

太子右諭德一人

右贊善大夫五人

傳令四人

太子通事舍人八人

典謁二十一人 旧唐志作二十人

亭長六人

大掌固十二人

太子内坊

大典内二人

丞二人

録事二人 旧唐志作一人

令史三人

書令史五人

典直四人

導客舍人六人

問帥六人 批旧唐志問當作閣

內閣八人

內給使無員數

內廐二人 舊唐志作二十人

典事二人

駕士三十人

亭長二人

掌固四人

太子內官

良娣二人

良媛六人

承徽十人

昭訓十六人

奉儀二十四人

司閨二人

掌正三人

女史三人

掌書三人

女史三人

掌筵二人

女史三人

司則二人

旧唐志作司礼二人

掌嚴三人

女史三人

掌縫三人

素女史三人

掌藏三人

詠女史三人

司饌二人

女史四人

掌食三人

女史四人

掌醫三人

女史二人

掌園三人

女史二人

太子太師一人太傅一人太保一人並從一品

下字可削

禮記曰三王之教太子入則有保出則有師

史記秦孝公使商鞅設法而黥太子師傳則

秦有其職也漢氏唯置太傅秩二千石屬官

有太子門大夫庶子洗馬舍人至後漢太子

太傅秩中二千石掌輔導太子禮如師不領

官屬至魏太子太傅為第三品漢魏故事皇

太子於二傳執弟子第當禮皆為書不曰令

太傅於太子不稱臣晉初東宮不置詹事事

由二傳少傅立草太傅書真以為儲副體尊

遂命諸公居之按通典云少傅立草太傅書

五官秩與後漢同皇太子先拜諸傳然後答

帝以儲副體尊遂命諸公居之抑之為儲間有脫文○北堂書鈔及太平御覽載晉起居注云武帝太始中置二傳官事而本司晉志大小皆二傳立草少傳寫之

以無位重或行或領也咸寧中備六傳之職司字朗陵公何劭為太子太師避景帝諱改為帥

安豐侯王戊戊當作戎為太傅武陵侯揚濟為太

保其後或置或省懷帝為太弟又備六傳東

晉明帝在儲宮置保傅之位而無二師晉志渡江

之後有太傅少保晉令太子太保品第三進賢傳不立師保

兩梁冠絳朝服佩水蒼玉銀章青綬按晉志云二傳

進賢兩梁冠黑介幘宋齊梁並不置後魏北

五時朝服佩水蒼玉齊置之正第二品號東宮三太後周不置隋

氏置之正第三品批隋志并曰唐志三當作二皇朝曰之

而加其秩太子出則乘輅備儀

太子三師以道德輔教太子者也至於動靜起

居言語視聽皆有以師焉

太子少師一人少傅一人少保一人並正二品

唐志及通典作從二品

禮記云三王教太子立太傅傳下脫少以養

之太傅在前少傅在後秦漢因之百官表太

傅傳當少傅秩二千石後漢秩中中本志二

千石總領東宮官屬魏故事太傅於太子不

稱臣少傅稱臣晉咸寧中備六傅之職始置

少師少保以臨海侯裴楷為少師以上蔡伯

和嶠為少保其後或置或廢至晉懷帝為太

弟又備六傅之職東晉明帝在儲宮置保傅

之位而無師歷宋齊梁陳並不置後魏北齊

皆置之號東宮三少隋氏降太師太當一等

皇朝曰之太子出入則乘輅備儀以為後從

太子三少掌奉皇太子以觀三師之道德而教

諭焉凡三師三少官不必備唯其人無其人則

闕之

太子賓客四人正三品

漢書高祖欲廢太子呂氏用張良計致商山四皓以為賓客又孝武帝為太子立博望苑使通賓客則其義也若有宴賜諸司長官太子賓客則皆預焉

太子賓客掌侍從規諫贊相禮儀而先後焉凡皇太子有賓客宴會則為之上齒

太子詹事府詹事一人正三品

漢書百官表詹事秦官掌皇后皇太子家秩

二千石應劭云詹省也給也言給事太子漢

東宮屬官太子門大夫庶子洗馬舍人屬三

傳執通典三率更家令丞僕中盾衛率厨廐

長丞屬詹事成帝省詹事後漢曰之其太子

官悉屬少傅而太傅不領官屬魏復置詹事

品第三掌東宮內外眾務晉初不置詹事東

宮諸署悉隸二傅後以保傅位尊不宜親務

武帝咸寧初用黃門侍郎楊珉為詹事掌東

宮之任班遷為少傅復省惠帝元康中復置

永康中齊王回輔政復省太安中復置懷帝

又省江左復置晉令詹事品第三銀章青綬

絳朝服兩梁冠局事擬尚書令位視領護宋志

護作將軍中書令按宋志及通典中書令三字當削去長三率

軍作披通典及通志畧當中庶子庶子洗馬舍人

其後用大作大當漸重或以令僕射領之宋齊

品秩儀服畧同於晉梁秩中二千石品第三

後定十八班班第十四陳因之後魏太子詹

事置左右二人其後唯置一人初第二品下

太和末降為第三品北齊品同魏氏總東宮

內外衆下脫務字事無大小皆統之領家令

率更僕三寺左右衛二坊後周置太子宫正

官尹隋開皇元年更置詹事二年罷之皇朝

復置龍朔二年改為端尹咸亨元年復舊天

授中改為宮尹神龍元年復舊

少詹事一人正四品上

皇朝置龍朔二年改為少尹咸亨元年復舊
天授中復為少尹神龍元年復舊

太子詹事之職統東宮三寺十率府之政令舉

太平御覽引其綱紀而修其職務少詹事為之

貳凡天子六官太平御覽引六典之典制皆視

其事而承受焉

丞二人正六品上

漢曰秦置詹事丞秩六百石東漢省至魏晉

皆隨詹事置省永康中省詹事置丞一人通典

人下有文書閔晉志閔下有由六傳晉令詹

事丞一人品第七銅印墨綬進賢一梁冠皇

皇當朝服局擬尚書左右丞過江多用員外

郎及博士為之迂為尚書郎宋齊品服同晉

氏梁陳品第八後魏初從五品中太和末第

七品上後魏志第北齊第七品下皇朝加至

二人龍朔一一作二當年改為端尹丞咸亨元年復故天授中又改為宮尹丞神龍元年復故主簿一人從七品上

晉始置主簿史闕其員品歷宋齊梁陳後魏北齊隋詹事府皆有五官功曹主簿亦史闕其員品皇朝置一人龍朔咸亨天授神龍並隨府改復

錄事二人正九品下

丞掌判事凡勅令及尚書省二坊符牒下於東宮諸司者皆發之若東宮諸司之申上者亦如

之舊唐志判事間有府字

主簿掌付所受諸司之移判及彈頭之事而勾會之凡三寺十率府文符之隱漏程限替失大事啓文小事下率更以繩之及掌印勾檢替失錄事掌受事發辰

太子司直二人正七品上

大皇朝龍朔三年置桂坊比御史臺置令一人
比御史大夫司直二人比侍御史職在彈劾
以肅宮寮其後廢桂坊以司直隸詹事府

司直掌彈劾宮寮糾舉職事凡皇太子朝宮臣
則分知東西班凡諸司文武應參官每月皆具
在否以判正焉以判正焉曰唐志作以刺之凡諸率府配兵

於諸職掌者亦如之皆受而檢察其過犯者隨
以彈啓若皇太子監國詹事及左右庶子為三

司使則司直一人與司議舍人分日受啓狀詳
其可否以申理之若皇太子出則於函簿內分
以糾察

太子左春坊左庶子二人正四品上

禮記曰古者周天子有庶子之官職諸侯卿
大夫之庶子掌其戒令與其教理別其等正
其位國有大事則帥國子而致於太子唯所
用之若有甲兵之事則授之車甲合其卒伍

置其有司以軍法理之司馬弗征至秦曰之
 置中庶子員漢太子太傅屬官有庶子王莽
 改曰中尚翼子後漢太子少傅屬官有太子
 中庶子員五人秩六百石職如侍中庶子無
 員秩四百石庶子職如三署郎後漢志署
下有中字
 環濟要畧曰庶子主宮中并諸吏之適子及
 支庶版籍魏曰之晉太子詹事有中庶子庶
 子各四人局擬散騎常侍品第五班同三令

四率次中書侍郎下絳朝服武冠平巾幘高
 功中庶子與高功中舍人共掌禁令糾正違
 闕侍從左右儼相威儀畫規獻納奏事文書
 皆典綜之釋奠中庶子扶左庶子扶右孝通
典右下脫宋與晉
同四字孝字衍文帝元嘉初詔中庶子隨
 太子入直上宮十四年又詔直東宮梁中庶
 子庶子各四人庶子披隋志及
庶上脫中字功高者
 一人為祭職班披隋志
酒班當作行則負璽前後

部護駕與高功中舍

舍下脫人字 一人共

掌其坊之禁令班第十一從四品庶子班第

九從五品陳曰之後魏有太子左庶子

魏後

及通典左

庶子員北齊有門下坊中庶子四

人領之有典書坊庶子四人領之中庶子第

四品上階門下坊置左庶子二人領之典書

坊置右庶子二人領之至是始改為左右矣

左庶子正四品上右庶子四品下皇朝因之

龍朔二年改門下坊為左春坊左庶子為太

子左中護咸亨元年復故左庶子在東宮職

擬侍中

太子中允二人正五品下

後漢太子官屬有中允在中庶子下洗馬上

此後無聞皇朝貞觀初改太子中舍人為中

允位右庶子下而中舍人復置龍朔二年改

曰太子左贊善大夫咸亨元年復為太子中

允而左贊善大夫仍置太子中允職擬黃門侍郎

左庶子之職掌侍從贊相禮儀禮儀二字駁

正啓奏監省封題中允為之貳凡皇太子從大

祀及朝會出入批唐志入則版奏外辨中嚴入

則解嚴焉凡令書下於左春坊則與中允司議

郎等覆啓以畫諾及覆下以皇太子所畫者留

為按更寫令書印署注令諾送詹事府若皇太

子監國事在尚書者如令書之法

太子司議郎四人正六品上

貞觀十八年置龍朔二年改為太子左司議

郎咸亨元年復舊職擬給事中按通典及通

年皇太子上表請置史職用司箴誠乃於門下

錄事二人從八品下

主事三人三當從九品下

司議郎掌侍從規諫駁正啓奏以佐庶子中允

之闕凡皇太子之出入朝謁從享及釋奠於先
聖先師講學臨曾撫軍監國之命可傳於史冊
者並錄為記注若宮坊之內祥瑞災眚及伶官
之改變音律新曲調宮臣之宮一本作官長除
拜薨卒亦皆記焉每歲終則送之於史館
太子左諭德一人正四品下

龍朔三年置職擬左散騎常侍

太子左贊善大夫五人正五品下舊唐志

下作上

龍朔二年改太子中允為之咸亨元年復置
中允而贊善大夫不廢又加置五人職擬諫
議大夫

左諭德掌諭太子以道德也皇太子朝宮臣則
列侍於左階出入則騎從於正道之左其內外
庶政有可為規諷者隨事而贊諭焉

左贊善掌翊贊太子以規諷也皇太子出入動
靜苟非其德義則必陳古以箴焉

崇文館學士

魏文帝招文儒之士始置崇文館王肅以散騎常侍領崇文館祭酒自後無聞貞觀中崇文館有學士直學士員不常置掌教授學生等業

校書 唐志書下有郎字 二人從九品下

本置讎校開元七年改為校書五人從九品下崇文館學士掌刊正經籍圖書以教授諸生其

課試舉送如弘文館

校書掌校理四庫書籍正其訛謬至大業中歲二司經局洗馬二人從五品下

國語云夫差為勾踐洗馬漢太子少傅屬官有太子洗馬後漢員十六人秩比六百石職如謁者太子出則當直者一人在前導威儀蓋洗馬之義也魏曰之晉太子詹事屬官太子洗馬八人掌皇太子圖籍經書職如謁者

局準晉志無局準二字通秘書郎品第七班

同舍人次中舍人下絳朝服進賢一梁冠黑

介幘宋祖置八人齊太子洗馬一人梁典經

局有太子洗馬八人統隋志統典經書舍人

摠隋志書典事守舍人員班第六正七品陳

曰之北齊典書坊摠隋志書有太子洗馬二

人隋志作從五品上隋門下坊司經局置洗

馬四人從五品下隋志及通至大業中減二

人皇朝曰之龍朔二年改為太子司經大夫

咸亨元年復舊

文學三人正六品舊新唐志作

魏置太子文學魏武為丞相命司馬宣王為

文學掾甚為世子所信與吳質朱鑠陳群號

為太子四友自晉之後不置至後主至摠後

帝本紀主當作德三年置太子文學十人復

廢復當作後通皇朝顯慶中始置

校書四人正九品下

宋孝建中太子洗馬有校書吏四人此後無

聞至北齊有太子校書郎隋志無從九品上

隋司經局置校書六人從九品上皇朝減置

四人

正字二人從九品下

舊唐志下作上

隋司經局置正字二人從九品下煬帝改為

正書皇朝復為正字

洗馬掌經史子集四庫圖書刊緝之事立正本
副本貯本以備供進凡天下之圖書上於東宮
者皆受而藏之

文學掌分知經籍侍奉文章總緝經籍繕寫裝
漆之功筆札給用之數皆料度之

校書正字掌校理刊正經史子集四庫之書

典膳局典膳郎二人正六品上

自漢以來並有太子倉官魏晉宋二志倉當作食通典官下有

局北齊門下坊始別置典膳局有監丞各二人監六品下隋改為七品下皇朝曰之龍朔二年改為太子典膳郎

丞二人正八品上

北齊典膳局有丞二人正八品下隋正九品下皇朝復為八品上

典膳郎掌進膳嘗食之事丞為之貳每夕局官

執爵執曰唐志執爵當作於厨更直

藥藏局藥藏郎二人正六品上

北齊門下坊領藥藏郎郎當作局有監丞各二人

正六品下侍藥隋志作侍醫下同四人正七品下隋

門下坊領藥藏局監丞二人侍藥四人監正

七品下皇朝改監為太子藥藏郎

丞二人正八品上

北齊藥藏局有丞二人正八品下隋正九品

下皇朝曰之

藥藏郎掌和齊醫藥之事丞為之貳凡皇太子有疾命侍醫入診候以議方藥應進藥命藥僮擣篩之侍醫和成之將進官臣監嘗如尚藥局之職

內直局內直郎二人從六品下

齊職儀太子有

通典有字在太子

內直兵局內直兵

史二人五品勳位梁有齊內主璽主衣扶持侍等局各置有司以承其事陳曰之北齊門下

坊領殿內局有內直監二人正六品下隋門

下坊領內置

置當作直

局置內直監二人品同北

齊皇朝曰之職擬尚輦奉御龍朔二年改同

同當作曰太子內直郎

丞二人正八品下

北齊內直郎局有副監四人從六品下

北齊志

齊內直郎局當作北齊殿內局副下當有直字隋內直局有副監二

人品同北齊皇朝因改為丞

內直郎掌符璽繳扇几案衣服之事丞為之貳

凡皇太子之服袞冕垂白珠九旒以組通典引

純為纓色如其綬青纊充耳犀簪導玄衣纁裳

九章每章一行重以為等每行九

五章在衣山龍華蟲火宗彞四章在裳藻粉

龍黻粉下脫米字織成為之龍當作黼

白紗中單黻黻當作黼領青襍褌裾革帶金鈎

黻大帶

六品不計門

素帶不朱裏隋志及通典引令與亦純隋志

唐志純以朱綠級約通典級作紐唐志綠

用組通典組

鞞

隨裳色火山二章

玉具劍

金寶飾

玉鏢首瑜玉雙珮朱組雙大綬四絲赤白纁紺

緝緝恐純朱質長一丈八尺三百二十首廣九寸

小雙綬長二尺六寸色同大綬而首半之間

施二隋志曰唐志及通典二作三玉鐶志批隋

當作

朱鞮赤舄

加金飾通典引令加上有

侍從皇帝祭祀及祀廟隋志及舊唐加元服納

妃則服之具服遠遊三梁冠加金附蟬九首施

珠翠黑介幘髮纓翠綉犀簪導絳紗袍白紗中

單皂領標襪裾白裙襦白革批隋志及舊唐帶

方目目當心曲領絳紗蔽膝

其革帶劔珮綬與上同其革以下至上同九

文珮綬下有鞮舄二字

白鞮黑舄未冠則雙童空批曰唐志童頂黑介

幘雙玉導加寶飾謁廟還宮元日冬至朔日入

朝釋奠則服之

其朔望日入朝通服袴褶五日常朝亦准此
公服遠遊冠

簪導以上並同前

絳紗單衣白裙襦革帶金鈎鯨假帶瑜玉隻佩

唐志隻作雙方心紛鞞囊

長六尺四寸廣四四當二寸四分色同大大下一

紛字批隋志長六尺以下

白鞞烏皮履五日常朝元日冬至受朝則服之

服之下批舊唐志當有烏紗帽白裙襦白鞞烏皮履視事及宴見賓客則服之二十一字弁

弁以鹿皮為之

犀簪導組纓玉璫九絳紗衣素裳革帶鞞囊小

綬隻佩唐志隻作雙白鞞烏皮履朔日批曰新唐志

及視事則兼服之平巾幘

金飾

犀簪導紫褶白袴玉梁珠寶鈿帶著鞞乘馬則

服之進德冠九璆加金飾其常服及白練裙襦
通著之若袴曰唐志若袴間有服字褶則與平巾幘通著
典設局典設郎四人從六品下

南齊有齋居局齋居庫丞一人梁有齋內局

各置有司以承其事陳曰之北齊門下坊有

齋司批隋志司閣局有太子齋帥司閣批隋志司閣當

作內閣帥各二人太子齋帥正八品下隋門下

坊領齋帥局有齋帥四人正七品下皇朝因

之龍朔二年改太子齋帥為太子典設郎

典設郎掌湯沐灑掃鋪陳之事凡大祭祀皇太

子散齋三日於別殿致齋二日於正殿前一日

設幄坐於正殿東序及室內俱西向又張帷於

前楹下殿若無室則張帷若大禮應供者亦如

之

宮門局宮門郎二人從六品下

漢太子太傅屬官有太子門大夫後漢置二

人秩六百石職比郎將魏曰之晉太子門大夫局准公申今批太平御覽當作公車令班同中舍人主

通遠近棧表宮門禁防宋品第六秩六百石

從駕闕疑當填以在詹事後齊梁陳因之皆

置一人北齊門下坊置門大夫按隋志夫下有坊門大夫

四主簿各一人門大夫從六品上并統軍官

西梁批隋志軍當作清商二部隋曰宮門局

置大夫二人從六品上煬帝復批隋志復為

宮門監皇朝復為宮門大夫龍朔二年改為
宮門郎職比城門郎

丞二人正八品下

皇朝置

宮門郎掌內外宮門管鑰之事凡宮殿門夜漏
盡擊漏鼓開夜漏上水一刻擊漏鼓閉每歲終
行儼應經所由門並先一刻早開若皇太子不
在則閉東宮正門其宮城門使宿衛人應入宮

殿者各於左右廂便門出入至皇太子還仗乃
開凡宮中漏刻晝夜惟唱時不復擊鼓若開閉
門及每夜一更盡依法擊鐘鼓

太子右春坊右庶子二人正四品下

其說已具於左庶子隋門下坊置左庶子二
人以領之典書坊以右庶子二人領之右庶
子正四品下皇朝因之至龍朔二年始改典
書坊為右春坊右庶子為太子右中護咸亨

元年復為右庶子在東宮職擬中書令

太子中舍人二人正五品上

太子中舍人本漢魏太子舍人也晉惠帝在
儲宮以舍人四人有文學才美者與中庶子
共理文書至咸寧二年齊王回為太傅遂加
名為中舍人位叙同尚書郎其後資漸高擬
黃門侍郎班同門大夫改改當尚書郎下高
功中舍人與高功中庶子共掌禁令糾正違

闕侍從左右儼相威儀盡規獻納奏事文書
皆典給給疑當之監合嘗藥大小會二官舉

案正直從大小駕一人前部護駕一人後部

護駕同中庶子日月通典文獻通考無日字檢奏直臣

名更直五日典文疏如中書郎宋有四人齊

有一人梁有四人高功一人與中庶子祭酒

共掌其坊之禁令班第八正六品陳因之後

魏第五品上北齊門下坊有四人品同後魏

隋改為太子內舍人四人正五品上煬帝減
二人皇朝復為中舍人職擬中書侍郎

右庶子之職掌侍從左右獻納啓奏宣傳令言

此以下有脫文又逸太子舍人一條今以太平御覽玉海引六典之文旧新唐志通典等補之

中舍人為之二凡皇太子監國於宮內下

令書太子親畫日至春坊則右庶子宣傳

之中舍人奉之舍人行之以上太平御覽玉海

太子舍人四人正六品上以上旧唐志

舍人秦官也漢因之比郎中選良家子
孫後漢無員更直宿衛如三署郎中凡
帝初即位未有太子太子官屬皆罷唯
舍人不省屬少府魏曰之晉有十六人
職比散騎中書侍郎從駕則正直從次
直守妃出則次直從宋有四人齊有一
人梁有十六人掌文記陳曰梁制後魏
亦有之北齊典書坊置二十人隋典書

坊有八人煬帝改為管記舍人減四員
大唐復為太子舍人四人掌侍從表啓
宣行令旨分判坊事龍朔二年改為右
司議郎咸亨元年復舊以上
通典
太子舍人掌侍從行令書令旨及表啓之
事皇太子通表如諸臣禮諸臣及宮臣上
皇太子大事以牋小事以啓其封題皆曰
上於右春坊通事舍人開封以進其事可

施行者皆下於舍人與庶子參詳之然後
進不可者則否以上太平御覽
唐志

太子左左當諭德一人正四品下

龍朔二年置職擬右散騎常侍

太子左左當贊善大夫五人正五品上

龍朔二年改太子中允為右贊善大夫咸亨

元年復為中允而贊善大夫不廢又加置五

人職比諫議大夫

右諭德掌如其左皇太子朝宮臣則列侍於右
階之下出入則騎於正道之右

右贊善大夫掌如其左凡皇太子朝宮臣則列
於右階之下

太子通事舍人八人正七品下

齊職儀中庶子下有門下通事守舍人四人

三品勳錄叙武冠朱服又庶子下有內典書

通事舍人二人品服同舍人擬中書通事舍

人掌宣傳令書通典書作旨內外啓奏一本奏梁作事

中庶子有通事舍人又庶子下通事舍人二

人視南臺御史並一班從九品陳因之北齊

門下坊有通事守舍人四人隋典書坊有通

事舍人八人正七品下煬帝改太子通事舍

人為宣令舍人皇朝復為通事舍人

通事舍人掌導引東宮諸臣辭見之礼按太平御覽引

六典無之及承令勞問之事凡大朝謁及太平御覽

無大朝謁正冬太平御覽作元正冬至百官與諸方之使

者參見東宮亦如之若皇太子行先一日京太平

御覽京上文武官職事九品已上奉辭及還宮

之明日參見亦如之

太子內坊典內一人舊唐志作二人從五品下

晉有太子寺人監員又齊職儀太子三卿校

各有寺人二人隋文帝始置太子內坊有典

內等員皇朝曰之

丞二人從七品下

隋文帝置內坊丞二人皇朝曰之

典直四人正九品下

隋內坊置丞四人批隋志置丞皇朝改為典

直

典內掌東宮閣內之禁令及宮人糧廩舊唐志

賜與之出入丞為之貳凡任典直以儀式導客

主之儼序導客主之儼序舊唐志作導客主儼序今倣上下文例當作任導客以儼

序任閣帥以門戶任內閣以出入任給使以繳

扇任內廐以車輦任典事以牛馬典內統而監

主之凡皇太子妃之親內命婦之母并郡主合

乘車出入者亦監之凡宮人命婦凶葬之制皆

率其屬而供其職

太子內官

漢書曰太子有妃有良娣有孺子妻妾凡三

等歷代因之至宋明帝更為太子置內職二

等有寶林良娣齊建元中太子宫置三內職
良娣比闈內候寶林比五等候才人比駙馬
都尉隋初始定制皇朝曰之

司閨從六品掌導引妃及宮人名簿以總掌正
掌書掌筵知三司出納

掌正從八品掌文書出入錄目為記并閨閣管

鑰

批舊唐志
管當作管

得察

批舊唐志
得當作糾

推罰

女史流外三品掌典當作典簿而執行焉

文二字

餘女史視此

掌書從八品掌寶及符契經籍宣傳啓奏教學
廩賜及紙筆監印

掌筵從八品掌帷幄牀褥几案舉繖扇

批舊唐志
無舉字

新唐志舉作
輿無扇字

灑掃鋪設及賓容

司則從六品掌禮儀參見以總掌嚴掌縫掌箴
而領其事

掌嚴從八品掌飾

批舊唐志
飾上脫首字

衣服巾櫛膏沐

服玩仗衛

掌縫從八品掌裁縫衣服織績

旧新唐志無衣服二字

掌藏從八品掌金玉珠寶財貨綿繒縑絲

綿繒縑絲

旧唐志作錦絲二字出入

司饌從六品掌膳羞進食先嘗以總掌食掌醫

掌園而領其事

掌食從八品掌膳羞酒醴燈燭柴炭及宮人食

料器皿

掌醫從八品掌醫藥伎樂

掌園從八品掌園苑種植蔬菜

大唐六典太子三師三少詹事府左右春坊內
官卷第二十六

唐書卷之三十六

大司馬與太子三卿三少司馬司馬司馬司馬司馬

大司馬

大司馬

大司馬

大司馬

大司馬

大司馬

補考

夫差為勾踐洗馬

按國語當作勾踐親為夫差洗馬



夫
蘇



